

潛  
研  
堂  
文  
集

潛研堂文集序

古之以別集自見者多矣而多不傳傳矣而不能久傳且久矣而或不著其傳而久而著者數十家而已其故何哉蓋學有純駁淺深而文又有工拙之不等也古之神聖賢人作爲六經之文垂萬世之教非有意于爲文也而文之工侔于造化諸子百家皆竊取一端以有言而言之有用者固多言之偏致爲流弊者亦多矣自辭章之學盛士乃有志于文章顧不知文所以明道而徒求工于文工之甚適所以爲拙也雖然有見于道矣有見于經矣謂不必求工于文而率意言之則又孔子

所謂言之無文行之不遠者蓋聖門言語文學必分二科以是衡量古今其能兼擅者尠矣乃若少詹事曉徵先生庶幾無媿于古之能兼文學言語者乎先生始以辭章鳴一時既乃研精經史因文見道于經文之外誤經義之聚訟而難決者皆能剖析源流凡文字音韻訓詁之精微地理之沿革歷代官制之體例氏族之流派古人姓字里居官職事實年齒之紛繁古今石刻畫篆隸可訂六書故實可裨史傳者以及古九章算術自漢迄今中西麻法無不瞭如指掌至于累朝人物之賢姦行事之是非疑侶難明者大典章制度管人不能明斷

其當否者皆確有定見蓋先生致知格物之功可謂滋  
矣夫自古儒林能以一藝成名者罕合眾藝而精之始  
末之有也若先生于儒者應有之藝無弗習無弗精其  
學固一軌于正不參以老佛功利之言其文尤非好爲  
古文以自雄壇坫者比也中有所見隨意抒寫而皆經  
史之精液其理明故語無鶻突其氣和故貌不矜張其  
書味淡故條鬯而無好盡之失法古而無摹仿之痕辨  
論而無踟躕攘袂之習淳古澹泊非必求工非必不求  
工而知言者必以爲工俾學者可由是以漸通經史以  
津逮唐宋以來諸大家之文其傳而能久久而愈著者

固可必也。玉裁寓居姑蘇者十餘年，先生方主講紫陽書院，幸得時時過從，請益而天不憖遺，捐館已三年矣。所著書多彙行于世，生平于元史用功最濇，惜全書手藁未定，文集尤士林所仰望。今同志梓成，瞿子鏡濤請序于予，追念疇昔感傷，宿艸絜歎，言之媿無以發先生之蘊也。集凡五十卷，分爲十四類，者先生所手定也。嘉慶十一年歲次丙寅九月金壇後學段玉裁拜撰。

潛研堂文集目錄

卷一 賦 頌 奏摺

御試石韞玉賦

御試瑾瑜匿瑕賦

御試江漢朝宗賦

聖母

皇太后七十萬壽頌 并序

萬壽頌 并序

聖駕巡幸天津頌 并序

翰林院謝

賜淳化閣帖摺

卷二 論

春秋論

春秋論二

大學論上

大學論下

皋陶論

馮煖論

鼂錯論

何晏論

梁武帝論

王安石論

洛蜀黨論

張浚論

輪回論

卷三 說

中庸說

履卦說

冕衣裳說

禘嘗說

閏月說

古同音假借說

古今方音說

納音說

星命說

晦之字說

卷四 荅問一

易

卷五 荅問二

書

卷六 荅問三



詩

卷七 荅問四

三傳

卷八 荅問五

三禮

卷九 荅問六

論語

孟子

唐初刪定五經正義 古以八音應八風

七經緯不載于漢藝文志

卷十 荅問七

爾雅

廣雅

卷十一 荅問八

說文

卷十二 荅問九

諸史

卷十三 荅問十

諸史

卷十四 荅問十一

算術

卷十五 荅問十二

音韻

卷十六 辨攷

太陰太歲辨

秦四十郡辨

衛文公非宣姜子辨

李之才邵堯夫問荅辨

秦三十六郡攷

漢百三郡國攷

華嚴四十二字母攷

嘉靖七子攷

卷十七 箴銘贊

樸著一

名箴

文箴

敲器銘

座右銘

座右銘二

竹鎮紙銘

書局硯銘

圓硯銘

筆管銘

木榻銘

佩硯銘

漢瓦當硯銘

張芭堂著書硯銘

棊盤銘

棊盤銘二

鏡銘

雙節門銘

晉億世典人輒銘

古甌井字硯銘爲蕭山王晚馨作

爲瞿萇生作鈕匪石所贈晉太康甌硯銘

朱文公三世像贊

錢氏先賢贊

周泉府上士孚

宋太史令樂之

宋孝子延慶

陳散騎常侍永安縣侯

道戢

唐右武衛將軍巢國公

九隴

唐考功郎中起

唐吏部尙書徽

唐中書舍人珣

唐六如像贊

程孟陽先生像贊

黃陶庵先生像贊

策問

四道

原孝上

原孝下

正俗

辨名

讀大學

讀大學二

論子思子

鏡喻

弈喻

兩馬

記生朝

卷十八 襟著二

擬續通志列傳凡例 續通志列傳總序

記建炎官印 記趙居廣畫

記琉璃廠李公墓志 清涼寺題名

虎邱山石觀音殿題名

卷十九 襟著三

鄞縣志辨證

文種非鄞人

王鄞

王脩非鄞令

管公明墓

小江湖非西湖

奉化郡

賀知章朝英集

唐有兩徐浩

孔戣奏罷海味

甬橋非甬水橋

張知白

王鄞江墓志不足信

陳瓘攝倅明州

大觀圖經

汪氏三世官位不足信

婁寅亮上疏年月

王次翁墓

朱文公未嘗至鄞

豐稷功德院

觀文府

陳曦

陳槩

陳德剛事不可信

陳著

王厚齋生卒年月

蔣曉非蔣猷曾孫

袁榜上王澂寧書

豐寅初

王瑩奏從祀事

鄭珞

卷二十一 記一

崇實書院記

海鹽縣瑞麥記

虎邱勅建白公祠記

代

饒陽縣新建文昌閣記



重建集仙宮玉皇殿記

陸氏義莊記

集僊宮訪碑記

菩提寺記

游茅山記

卷二十一 記二

封一品夫人張太夫人祠堂記

益都李氏宗祠記

錢氏祠堂記

張氏墓廬記

牛硯齋記

蓉鏡堂記

石鼓亭記

可廬記

芥舟山房記

抱經樓記

放生池古泉記

五硯樓記

西谿別墅記

卷二十二 紀事

記侯黃兩忠節公事 記加徵省衛運軍行月糧

始末

記湯烈女事

記先大父逸事

卷二十三 序一

山東鄉試錄序 湖南鄉試錄序

浙江鄉試錄後序 河南鄉試錄序

送李素伯之任恩平序

送俞楠園教授蘇州序

贈邵冶南序

贈談階平序

述庵先生七十壽序

卷二十四 序二

易稽覽圖序

周易讀翼揆方序

古文尙書攷序

虞東學詩序

詩經韻譜序

左氏傳古注輯存序

春秋體例序

儀禮管見序

臧玉林經義襟識序

釋車序

經籍纂詁序

小學攷序

說文新攷序

史記志疑序

漢書正誤序

後漢書年表後序

三國志辨疑序

東晉疆域志序

東晉南北朝輿地表序

西魏書序

二十四史同姓名錄序

廿二史攷異序

泰山道里記序

奉陽縣志序

中興學士院題名序

卷二十五 序三

寶刻類編序

郭允伯金石史序

天一閣碑目序

關中金石記序

山左金石志序

金陵石刻記序

老子新解序

淮南天文訓補注序

盧氏羣書拾補序

世緯序

重刻太上感應篇箋注序

屢久能娛親雅言序 醫譜序

毛稼軒地理書序

杜詩雙聲疊韻譜序

卷二十六 序四

重刻河東先生集序

重刻孫明復小集序

蘇詩合注序

黃崑圃先生文集序

味經窩類纂序

紀曉嵐烏魯木齊櫟詩序

習庵先生詩集序

李南淵詩集序

頤北集序

炙硯集序

春星艸堂詩集序

張鶴泉文集序

半樹齋文藁序

吳香巖十國宮詞序

畹香樓詩序

滌硯圖題咏序

鄭康成年譜序

歸震川先生年譜序

鉅野姚氏族譜序

吳興閔氏家乘序

平江袁氏家譜序

周氏族譜序

棠樾鮑氏宣忠堂支譜序

王鶴谿祖德述聞序

卷二十七 題跋一

跋誠齋先生易傳 跋程氏周易古占法

跋周易本義咸淳本 跋薛季宣書古文訓

跋胡氏詩傳附錄纂疏

跋春秋左氏傳宋本 跋春秋餅露

跋春秋餅露二 跋范氏穀梁集解

跋儀禮集說 跋禮記纂言

跋大戴禮記 跋逸周書

跋爾雅疏單行本 跋四書纂疏

跋經典釋文 跋經典釋文二

跋羣經音辨 跋說文解字

跋徐氏說文繫傳

跋汗簡

跋龍龕手鑑

跋古文四聲韻

跋復古編

跋吳棫韻譜

跋平水新刊韻畧

跋方日升韻會小補

跋荀子

跋呂氏春秋

跋呂氏春秋二

跋淮南子

跋論衡

跋釋名

跋抱朴子

跋潛虛

卷二十八 題跋二

跋漢書

跋漢書古今人表



跋後漢書

跋三國志

跋北齊書

跋南北史

跋唐書直筆新例

跋新唐書糾謬

跋唐書釋音

跋唐書宰相世系表訂謬

跋資治通鑑

跋通鑑釋文

跋通鑑總類

跋續資治通鑑長編

跋宋史

跋宋史二

跋柯維騏宋史新編

跋陳黃中宋史藁

跋隆平集

跋朱太宗實錄

跋九朝編年備要

跋九朝編年備要二

跋大金國志

跋元名臣事畧

跋元秘史

跋元聖政典章

跋元氏畧

跋通典

跋唐大詔令

跋皇祐新樂圖記

跋大金集禮

跋職官分紀

跋宰輔編年錄

跋翰苑羣書

跋麟臺故事

跋中興學士院題名

跋兩房題名錄

跋元統元年進士題名錄

卷二十九 題跋三

跋水經注新校本

跋方輿勝覽

跋元大一統志殘本

跋元混一方輿勝覽

跋乾道四明圖經

跋新安志

跋三山志

跋吳郡志

跋雲閒志

跋會稽志

跋剡錄

跋寶慶四明志

跋開慶四明續志

跋景定建康志

跋咸淳毘陵志

跋至元嘉禾志

跋齊乘

跋楊諱崑山郡志

跋玉峯志

跋韓浚嘉定縣志

跋朝鮮史畧

跋長春真人西游記

跋文淵閣書目

跋道藏關經目錄

跋王氏世譜

卷三十 題跋四

跋星經

跋秦九韶數學九章

跋太平御覽

跋武經總要

跋重修政和證類本艸

跋太乙統宗寶鑑

跋薛尚功鐘鼎彝器款識

跋隸續

跋石刻鋪敘

跋金石文字記

跋百川學海

跋藝圃搜奇

跋夢谿筆談

跋避暑錄話

跋能改齋漫錄

跋茗谿漁隱叢話

跋揮麈後錄

跋金佗粹編

跋困學紀聞

跋山房隨筆

跋南邨輟耕錄

跋水東日記

跋宛委餘編

跋義門讀書記

卷三十一 題跋五

跋陶淵明詩集

跋庾子山集

跋柳河東集

跋李衛公集

跋溫飛卿詩

跋笠澤叢書

跋徐資鈞磯文集

跋東坡詩集

跋北山小集

跋孫尚書大全集

跋渭南文集

跋史彌寧友林乙藁

跋滢水文集

跋遺山集

跋雪樓集

跋清容居士集

跋漢泉漫藁

跋道園類藁

跋金華黃先生集

跋倪雲林詩集

跋陶學士集

跋江雨軒集

跋匏翁家藏集

跋弁州四部藁

跋弁州山人續藁

跋弁州山人續藁二

跋徐氏海隅集

跋歸太僕集

跋方望谿文

跋元詩前後集

跋太倉文畧

卷三十二 題跋六

跋宋拓鐘鼎款識

跋石鼓文宋拓本

跋元儒婁先生碑

跋西嶽華山碑

跋王稚子關

跋太室石闕銘

跋高陽王湜墓志

跋阿彌陀像文

跋祠部員外郎裴道安墓志

跋荊州法曹參軍趙思廉墓志

跋元靖先生李君碑 跋王顏追樹十八代祖晉

司空王公神道碑 跋太常丞溫佶碑

跋尊勝陀羅尼經 跋錢本艸

跋吳尋陽長公主墓志

跋高陽許氏夫人墓志

跋范忠宣公除右僕射告

跋東坡書醉翁亭記 跋黃山谷書范滂傳

跋鳳墅法帖 跋鳳墅法帖二

跋鳳墅法帖三 跋朱文公帖

跋梅氏義瑞堂帖 跋方正學谿諭艸藁摹本



跋王濟之墨蹟

跋竹園壽集卷

跋吳匏庵贈行聖孔公龔封還闕里詩序

跋楊忠愍公獄中與鄭端簡手簡

跋楊忠愍公壽徐少湖先生序藁

跋袁氏清芬世守冊

跋袁胥臺父子家書

跋王雅宜書洛神賦杜陵內史補圖

跋袁氏先世石刻五種

跋文壽承休承書

跋錢功父書後赤壁賦

跋王荆石札

跋黃陶庵札

跋張晉江札

跋渤海藏真帖

跋僧明淨書心經及法華經序

跋陳文貞公詩卷

跋汪退谷手書瘞鶴銘跋

艸藁

跋汪退谷手書戶部呈藁

跋袁氏貞節堂卷

卷三十三 書一

與友人論師書

與戴東原書

與段若膺書

與段若膺論尙書書

荅孫淵如書

荅李南澗書

與一統志館同事書

與晦之論爾雅書

與友人書

與友人書

復倪敬堂書

卷三十四 書二

荅袁簡齋書

再荅袁簡齋書

三荅袁簡齋書

荅大興朱侍郎書

與孫淵如書

荅盧學士書

荅盧學士書二

與梁燿北論史記書

與梁燿北論史記書二

與梁燿北論史記書三

卷三十五 書三

與徐仲國書

荅談階平書

再與談階平書

與姚姬傳書

與孫鳳陽書

鄞縣志局與同事書

荅王西莊書

與洪稚存書

與洪稚存書二

荅洪稚存書

又荅洪稚存書

卷二十六 書四

與戴東原書

與謝方伯論平水韻書

與談階平書

荅孫淵如觀察書

與馮星實鴻臚書

與邱艸心書

荅嚴久能書

荅周松靄同年書

與程秀才書

卷三十七 傳一

內大臣一等公謚忠勇佟公傳 史館作

都統贈一等伯傅公傳 史館作

陳忠愍公家傳 文淵閣大學士兼禮部尙

書王公傳 內閣侍讀嚴道甫傳

卷三十八 傳二

嚴先生 行傳 閻先生 若璩傳

胡先生 渭傳 萬先生 斯同傳

陳先生 祖范傳 惠先生 士奇傳

王先生

懋 茲傳

卷三十九

傳三

惠先生

棟 傳

江先生

永 傳

戴先生

震 傳

漑亭別傳

卷四十 傳四

汪南有傳

李靜叔傳

奚孝子傳

周山人傳

方節婦傳

夏烈女傳

施節婦傳

節行錢孺人傳

吳孝婦傳

卷四十一 碑

紀王庶碑

甘肅提刑按察使司按察

使宋公神道碑

鎮守江南狼山總兵官左

都督前提督廣西全省軍務總兵官許公神道  
碑

封資政大夫大理寺卿加

十四級王公神道碑

詹事府詹事盧公神道碑

宗人府丞曹公神道碑

卷四十二 墓志銘一

巡撫福建兵部右侍郎都察院右副都御史前太

子少保協辦大學士刑部尚書莊公墓志銘

光祿大夫 經筵講官太子太保刑部尚書秦文

恭公墓志銘 詹事府詹事盧公墓志銘

工部左侍郎汪公墓志銘

太子太保兵部尚書湖廣總督世襲二等輕車都尉畢公墓志銘

卷四十三 墓志銘二

江西道監察御史王先生墓志銘

翰林院侍讀邵先生墓志銘

虛亭先生墓志銘 中書舍人吳君墓志銘



翰林院檢討毛君墓志銘

封榮祿大夫內閣學士兼禮部侍郎加二級前翰

林院庶吉士內閣典籍尹公墓志銘

日講起居注官翰林院侍講學士曹君墓志銘

李南澗墓志銘  
日講起居注官翰林院侍

講學士邵君墓志銘

卷四十四 墓志銘三

山東曹州府桃源同知彭君墓志銘

湖北荆宜施道前翰林院修撰陳公墓志銘

贈儒林郎刑部雲南司小京官加一級補馱韓先

生墓志銘

內閣中書舍人邵君松阿

墓志銘

顧桐井墓志銘

卷四十五 墓志銘四

封通議大夫日講起居注官文淵閣直閣事翰林

院侍讀學士加三級陸公墓志銘

贈儒林郎翰林院編修加一級晉贈奉政大夫刑

部河南司主事加二級馮君墓志銘

贈奉政大夫黃松石先生墓志銘

何桐孫墓志銘 布衣臧君墓志銘

嚴半庵墓志銘 郭有構墓志銘

孝廉蔣君墓志銘

嵇靜園墓志銘

卷四十六 墓志銘五

國子監學正戴先生墓志銘

優貢生侯選儒學訓導楊君墓志銘

孝廉胡君墓志銘

孝廉范君墓志銘

張蔚園墓志銘

卷四十七 墓志銘六

廣東雷州府知府馮公墓志銘

山西分守冀寧道沈公墓志銘

大理府知府張公墓志銘

凌竹軒墓志銘

卷四十八 墓志銘七

鈍閑詩老張先生墓志銘

舅氏沈君墓志銘 徐良輔墓志銘

西泚先生墓志銘 鶴谿子墓志銘

瞿封翁墓志銘 陸淞園墓志銘

敬亭弟墓志銘

卷四十九 墓志銘八 墓表 墓碣

封一品夫人熊太夫人墓志銘

廣西按察使馮公妻封淑人王氏墓志銘

王太宜人墓志銘

邢孺人墓志銘

張太孺人墓志銘

候選州判李君墓表

贈孺林郎翰林院檢討曹君墓表

黃氏先塋表

贈孺林郎董君墓表

盛涇先塋之碣

布衣陳君墓碣

卷五十 家傳 行述 祭文

先大父贈奉政大夫府君家傳

先考贈中憲大夫府君家傳

錢處士行狀

先考小山府君行述

亾妻王恭人行述

祭座主錢文敏公文

祭外舅虛亭先生文

祭衛伯恭文

祭蔣秦樹編修文

祭朱太翁文

祭亾妻王恭人文

潛研堂文集目錄

終

仲沂先生小象



後學陳詩庭敬寫

像



潛研老人自題像贊  
官登四品不為不達歲開  
七秩不為不年插架圖籍  
不為不富研思經史不為  
不勤因病得閑因拙得安  
亦仕亦隱天之幸民

子壻瞿中溶敬書

潛研堂文集卷一

嘉定錢大昕

賦

御試石韞玉賦

伊荆山之奇珍韞光華於巖隙外皎若以騰輝內溫如以含澤紀瑤琨於禹貢質可配乎精鏐徵纁藉于周官禮必先以束帛懷寶五都之市元璐白珩程材六瑞之司黃琮蒼壁飄來瓊佩猶含石氣之青捧出瑛盤若帶巖間之赤追琢效玉人之技共知價重乎連城菁華標地產之奇詎識秀鍾乎盤石爾其連岡崩岊彌望孱顏

磊磊巖端似繁星之密布離離嶺上點翠黛而迴環因  
天施而地生發奇光於硤瑒况沐日而浴月煉秀采於  
堅頑碧磴延緣似有藍田之種丹梯杳窳渾如羣玉之  
山鏗爾有聲似瑤艸琪花之羅生其側介如不易儼珊  
瑚碧樹之錯列其間迺有磻溪之侶搜壤異于堅珉和  
氏之倫拭瑤華于塵坳一拳獨秀疑玉樹之森森五色  
遙含辯青肪以隱隱乍認白虹之氣頓教磊落增明未  
開翠壁之緘早識文章獨韞含章在我匪一夕與一朝  
待價何心猶若遠而若近則見夫浮光的皜麗質陸離  
方太璞尚完之始在良工未琢之時石骨峻嶒如映浮

筠之色峯頭華礪將成委粟之姿圭角未分醞釀全滋  
乎土脈光芒不揜刻雕奚假乎人爲譬礪岸之懷珠波  
光互映類精金之在礦沙際堪披於焉瑞彩遙騰晶光  
上燭經工人之手壁合環聯入買客之囊懸黎結綠剖  
璠璣於璞內溫潤無雙探琬琰於雲根傳觀不足異采  
溢於座右他時什襲交珍寶氣蘊于空山此日千巖增  
緝彼夫詞藻之凌雲何殊縣圃之積玉稽士衡之高文  
洵斯言之足錄我

皇上璇璣在握玉燭同輝瑾瑜畢升于魏闕蒲穀齊列  
於金扉遂使被褐懷玉者席珍以聘守真抱璞者接踵

咸歸負瑚璉之良材既闢門而登玉府挾瑤玖之陋質  
亦稽首而進

彤闈空乎嘉應咸臻遠致昆田之瑞遊河紀績上追刻  
玉之徵也哉

御試瑾瑜匿瑕賦

以隱惡揚善義其兩端爲韻

伊瑾瑜之上珍拭奇光於塵坳既皎潔以弗渝洵文章  
之獨蘊種出藍田之圃形磊落以生輝採來羣玉之林  
體空明而不隱廉而不剝類志士之堅貞質有其文似  
幽人之端謹夫其肉好晶瑩瓊華錯落雖內美之常含  
或微疵之可索富望氣之始瑕仍不掩其瑜在懷寶之

夫愛亦能知其惡此猶相六閑之神駿非無泛駕之驂  
驅辯五齊之甘醇不少畱餘之糟粕苟能葆章相之粹  
固應敵和氏之兼城即使露節角之乖豈遂等荆山之  
抵鵠爾其溫如中潤璣兮外揚圭角未融若稍虧乎完  
璧光芒不損曾何累乎截肪剖自層巖小減五都之價  
韜諸錦匣終全徑寸之光惟什襲之是賴寧一眚之足  
妨蓋以負大美者詎少小疵利成器者非皆盡善瑕如  
不揜都成球琪之材玷尚可磨亦中珩璜之選倘懸稼  
之在握玦何患其緜纖藉太璞之猶完佩奚嫌於瑁瑁  
比大圭之縝密縱曰弗如授工人以雕鏤詎云不腆徒

見其品重瑤琨禮分裼襲與璧琮之邸而借陳配朱綠  
之纒而齊執寸長足錄底同燕石之唾奇貨可居那致  
荆人之泣但堪韞櫝以深藏無事索綬之紛集乃知細  
故有弗棄一得所不遺抱盈尺于懷中共知皎若指纖  
瑕於璞內毋遽舍其校短量長斯稱庀材之能事納汗  
藏疾益徵取善之無私也我

皇上玉燭齊明璇樞常朗闢四門以旁攬無非東箭南  
琛占一技以必庸不讓細流土壤儲玉筍清華之選務  
去僞以崇真搜圭璋特達之姿咸寡雙而少兩是以席  
珍者詣

闕被褐者彈冠擬琬琰之純良詎韜光于牖下媿珞珉  
之菲陋亦待獻于

朝端美在其中願磨礱以自效人無求備欣瑕垢之胥  
寬洵樂育之隆軌超五三而不刊

御試江漢朝宗賦

以子乘四載隨山刊木爲韻

溯平成於禹績稽作乂乎夏書始究冀以施功慶九河  
之旣道繼荆揚之奏效導二瀆以歸墟承北關之其谷  
饑溺皆思由已作南條之永賴黎庶咸頌後子萬里分  
趨洵淵源之獨遠雙江合注知容納之有餘派旁會乎  
沱潛如小侯之覲方伯勢全趨于溟渤若列服之集爰



閭原夫江流之伊始實自岷山而上承乍濫觴之可測  
俄駭浪之時與合洛沫之羣流迴環西蜀過荆門之萬  
壑控引東陵疏九派於尋陽洪濤畢滙指一帆於夏渚  
巨艇遙乘若夫導漾之文亦與導江相類流經襄雍之  
間源有東西之異名同天漢疑靈脈之遙通歌聽滄浪  
悟濯纓之有自漢儒釋彭蠡之義合南北中江而成三  
禹貢志嶓冢之名配江淮河水而爲四於焉滔滔下注  
脈絡攸分浩浩爭趨會歸有在夏口而合流指海門  
而下逮晴川樹外乍合雙虹大別山前遙疑孤黛作壯  
觀於維荆佐神功于厚載非同涇渭之入清濁懸殊亦

如河沛之交源流相配繫二川之浩漭赴巨海之渺瀰  
儼辰居而星拱若形動而影隨注焉不盈混水天而如  
一虛而善受應潮汐以不移納百谷而常尊自具廓如  
之量合雙流而畢赴羣歌污彼之詩徒見夫澄波朗澈  
激溜潺湲從三澨以東流遙趨貝闕自九江而南望似  
拱神山春朝夏宗百川祇承乎海若江永漢廣四瀆原  
視乎俟班惟大瀛翁受之宏細流不擇故羣神懷柔之  
應奔赴無艱而要惟神禹功存利濟績懋隨刊乘楫櫓  
而力瘁籌疏瀹而心殫表南紀之封圻具區雲夢定衡  
陽之貢賦礪砥砮丹此紀滌源之功錫圭首推夏后而

辨川浸之目職方猶載周官也我

皇上德洽四瀛惠孚九服人經鞆譯測海水而來同量  
擬滄溟納勺涓而並蓄柔遠而解鵠入貢共欣六宇傾  
心搜才而純幹咸登奚止十年樹木聽農歌於江左省  
方則萬戶桑麻拂柳色於漢南轉漕則千帆爐舳治臻  
無間長希妣氏之蹤波紀不揚永嚮箕疇之福

頌

聖母

皇太后七十萬壽頌

謹序

臣聞之

左傳

慈者

禮記

德之基也

易

福者備也

禮記

百

順之名也

禮記

聖人治天下

孟子

始于事親

孝經

德盛

而教尊

禮記

禮樂明備

禮記

故得萬國之歡心

孝經

孝

以事親

孝經

綏以多福

詩

壽考萬年

詩

吉孰大焉

左傳

惟稽古

書

周之有懿德也

左傳

時維姜嫄

詩

爰及姜女

詩

太姒嗣徽音

詩

咸有一德

書

垂裕後昆

書

美矣盛矣

禮記

惟

清緝熙

詩

世德作求

詩

宣重光

書

皇則受之

書

兢兢業業

書

所其無逸

書

庶政惟和

書

萬

國咸寧

易

自生民以來

孟子

盛德大業

易

於斯爲盛

論

語 臣聞之 孟子 立愛自親始 禮記 愛敬盡于事親 孝經

而民是則之 左傳 是以天下和平 孝經 光被四表 書 無

遠弗届 書 其所因者本也 孝經

聖人在上 左傳 順乎

親有道 禮記 先

意承

志 禮記 夙夜匪懈 詩 質明 儀禮 至于

寢門外 禮記 而請

安 左傳 穆穆肅肅 爾雅 靡靡優優 爾雅 愉愉如也 論語

食上必在視寒煖之節 禮記 問所欲而敬進之 禮記

皇帝清問下民書時邁其邦詩

安車周禮重翟周禮必敬視之禮記而敬扶持之禮記

慈和褊服左傳慶賜遂行禮記俾萬姓咸曰書

皇建其有極書以孝治天下孝經大之至也左傳二十

有六年春秋冬十有一月春秋己未春秋

萬壽無疆詩率土之濱詩無不欣說禮記是歲也左傳

正月之吉周禮日月之行書如圭如璧詩以會天位周

水火金木土書彙彙乎端如貫珠禮記太史謁之

天子曰禮記天垂象易曰休徵詩天之所啟左傳以介

景福詩大有慶也易中冬周禮

天子帥三公九卿大夫

禮記

擇吉日

禮記

式昭

德音

左傳

恭作肅

書

德之本也

易

德言盛禮言恭

易

恭而安

論語

天之道也

禮記

謂之

懿德

左傳

德之盛也

易

含章可貞

易

以懿文德

易

是以

自天祐之

易

吉大來也

易

禮儀既備

詩

執爵于

太寢

禮記

習舞

禮記

必

躬親之

禮記

重巽以

申命

易

大賚于四海

書

命祀山林川澤

禮記

羣神羣祀

左傳

養老

禮記

舉賢才

論語

省刑罰

孟子

出輕繫

禮記

實公卿大夫于朝

禮記

澤潤生民

書

樂以天下

孟子

至矣哉

易

嶽柔懿恭

書

含萬物而化光

易

天子之孝

孝經

光于四海

孝經

自今以始

詩

壽考維祺

儀禮

乃承敘

萬年

書

受天之慶

儀禮

非

至德其孰能如此乎

禮記

敢再拜稽首

左傳

而作詩曰

左傳

至哉

坤元

易

悠久無疆

禮記

純德孔明

禮記

則篤其慶

詩

儉莊敬

禮記

愉豫愷康

爾雅

以祉元吉

易

降之百祥

易



其一

令德憲憲 詩 俚

天之妹 詩 長發其祥 詩 本支百世 詩 惟

皇作極 書

大孝不匱 禮記 乃位乎天德 易 而天下治 書 其二

昧爽而朝 禮記 肅肅雍雍 禮記 問衣煥寒 禮記 必有婉

容 禮記 冬溫而夏清 禮記

令德孝恭 書 以天下養 孟子 萬福攸同 詩 其三

宣慈惠和 左傳 照臨下土 詩 惠此京師 詩 以穀我士女

詩

親舉玉趾左傳以祈甘雨詩歲則大熟書有稷有黍詩  
其四

中春

詔

后周禮親東鄉躬桑禮記分繭稱絲禮記以爲黼黻文

章禮記雝雝在

宮詩臨之以莊論語恭儉惟德書萬民所望詩其五

觀民設教易

天子巡守禮記爲

帷宮設旌門周禮亦右

潛研堂文集卷一

文母詩萬邦黎獻書拜手稽首書惟曰欲至于

萬年書以介

眉壽

詩其六

析支渠搜書我武惟揚書來獻其琛詩有圭璧金璋禮

記推而放諸西海禮記莫敢不來王詩四方來賀詩降

福無疆詩其七

正月上日書履端于始左傳日月星辰禮記協用五紀

書卜云其吉詩介以繁祉詩

身其康強書

令聞不已詩其八

日在北陸

左傳

律中黃鐘

禮記

在璇璣玉衡

書

以正仲

冬

書

冬爲安寧

爾雅

上下和同

禮記

眉壽萬年

儀禮

福祿來崇

詩其九

令月吉辰

儀禮

備物典策

左傳

溫溫其

恭

詩

好是

懿德

詩

宣昭義問

詩

下土之式

詩

大孝尊

親

禮記

孝思維則

詩其十

芄芄棫樸

詩

以薪以蒸

詩

芻求俊乂

書

以其彙征

易番

番黃髮

書

其在

朝廷

禮記

乃審厥象

書

三壽作朋

詩其十一

京師之野

詩

周道如砥

詩

羣黎百姓

詩

百辟卿士

詩乃

廣載歌曰

書

純嘏爾常矣

詩

萬有千歲

詩

是以有慶矣

詩其十二

大君有命

易

其出如綸

禮記

行

慶施惠

禮記

降德于衆兆民

禮記

懷柔百神

詩

宜民宜

人

詩

永錫爾類

詩

怡懌悅欣

爾雅其十三

溥天之下

詩

小大稽首

詩

式歌且舞

詩

以介

眉壽

詩

如日月之照臨

書

悠遠則博厚

禮記

於萬斯年

詩

克昌厥後

詩其十四

萬壽頌

謹序

臣聞神禹之演疇壽先五福成周之肆雅祝取九如日  
升月恒道有常而可久春溫秋肅歲以衍而彌增丹書  
傳敬義之箴其量百世梓材告和懌之用欲至萬年純  
嘏爾常式集駢蕃之祉至誠無息允協悠久之徵欽惟  
我

皇上文武聖神純粹中正法

天行之至健承

祖烈之重光歲月日時在璣衡以齊政作詭成易揮經  
瑟以阜財一日萬幾之克勤有嚴有翼六府三事之允

治惟修惟和土堦茅茨崇古皇之克儉祈寒暑雨軫兆  
姓之其吝飭官方則曰清曰慎曰勤錄人才則有猷有  
爲有守軒鏡之懸常朗妍媸莫遁其形玉衡之握無私  
輕重悉如其分金隄順軌底績邁乎宣房木鳳銜書和  
氣宣於嘉石天幃地載道已契乎奉三右徵左官氣真  
協乎吹萬肅

兩郊之盟薦蒼璧黃琮展

太室之明禋雞彝彝龍勺上辛祈穀不愆啟蟄之期吉亥  
親耕共拜康年之賜方社則土分五色津薦馨香成均  
則禮肅二丁載頒簠簋溯幽岐之荆造展祀陪都絳堂

構之燕貽告成

原廟至誠所感必

躬必親萬福攸同如幾如式若乃

璇闈星拱尊極寰中

玉冊霞明養隆天下捧椒觴而上壽敷天之愛日呈暉  
掖

鳳輦以徐行大地之慈雲普蔭翻梵文之祕藏智果長  
春寫金字之真經福田無量永錫爾類丕宣愷悌之功  
時邁其邦同上延洪之祝加以

聖由天授敬乃日躋包六藝而鈞元貫三才而共轂闈



河洛先天之祕允執其中契幾軒宰世之原克明其德  
經筵發論探赤水以得珠史鑑製評然燭龍而照夜殿  
盤夏訓詞吐爲經孔思周情文成有法大宮細徵括風  
雅頌之全茹古舍今超唐宋元之作運腕極臨池之妙  
龍鳳盤拏會心得寫物之工雲煙縹緲翠珉勒就百僚  
奉爲奇珍緜錦裝成

三殿傳爲祕寶文思旣洽武德丕昭殿前獻頡利之俘  
渭上起呼韓之邸刻和闐之寶囊陳向

彤廷受大宛之名駒牽來上苑收三十六國之封豨列  
戊已而開屯拓二萬餘里之廣輪

命羲和而揆日九山九澤德不距乎祇台四極四和量  
總包乎枉宥

一人有慶展也大成萬國咸寧巍乎盛烈洵生民以來  
未有而自天之祐以申也迺者歲在上章月惟南呂紀  
金穰之上瑞物始由庚慶稽事之成功秋當平秩計  
膺圖之歲逾三十而五居其中潮誕

聖之初周六旬而數將復始近中秋之三五謙而不盈  
驗瑞莢之十三滋而益長虹流昴貫長生應首出之符  
璧合珠聯上元啟昇平之運冒菲於卯海宇之丕冒無  
疆悉新於辛

聖德之日新不已以實心行實政陋封禪之七十二君  
惟

大德享大年擬天皇之萬八千歲適以元日之吉

大宴在廷三巡之湛露方灑六出之瑞霏旋降敷滂洋  
之

閩澤宣寬大之

詔書藏富於民譽髦斯士益下勿問元吉大賚而除糴  
秭之征鼎養是以大亨闢門而進詩書之彥擊壤而歌  
帝力鑿井耕田拔茅而集天衢承筐鼓瑟周官之興三  
物何以尚茲漢詔之賜半租方斯茂矣仲春詠日

法駕啟行

親謁

山陵率懷謨烈瞻羹墻而永慕謂駕不忘撫雨露之既  
濡丕承無斁遂移

星罕載

幸天津淀合東西一輪圓鏡漕分南北兩岸長虹慶川  
后之懷柔式崇廟貌嘉畿民之敦樸屢布

綸音黃小丁中登春臺而胥樂比閭里鄧廣夏證之以  
休於焉槐棘臣鄰蕃宣岳牧或列班聯於臺省或安作  
息於閭閻競效謳歌願將芹曝

清石室文集卷一  
皇上謙摯自挹孝治益光方物聯情禁庶僚之進奉經  
壇祝

椒戒薄海之繁文崇

徽號於

慈寧敬埃

八旬之篤慶承

鴻庥於長樂廣推來歲之恩膏道大難名真在義黃之  
上功高不宰羣游亭育之中循花甲以方周肇啟億兆  
京垓之算祝椿齡之長茂莫竟

祿位名壽之崇臣智昧扣槃才慚測管西清侍直叨教

養以廿年北斗陳觴效鋪揚於三頌敬拜手稽首而作  
頌曰

維

天祐

聖長發其祥六字率俾五位當陽璇樞在握玉燭垂光  
慶以善積福因德昌壯敬日強幾康時敷奉三以治建  
五有極惟精惟一有孝有德動與天合言爲世則日昃  
忘食夜分求衣允執一中其勤萬幾提綱挈領謹小慎  
微量包無外明燭靡遺昭事

上穹祇承

列聖繼志述事盡性至命八方在宥四時爲柄率

祖攸行受天之慶文經武緯內安外攘析支丕敘氏羌  
來王占星柳穀步地亥章以守兼荆其道大光粵歲在  
庚正秋惟仲西成稼同南呂律中靈既川增歡聲雷動  
有開必先奇祥來送孟陬獻歲

錫宴廷臣開泰始吉重巽以申賜租免賦勸農勸民俱  
遊化日同戴陽春鄉會重開俊造畢集文思光被德廣  
所及

巡行郊甸省耕原隰春臺熙熙東風習習恭儉惟德敦  
樸爲先貢琛是却進表勿宣

慈闈展孝介祉永綿敬舉大慶以待來年惟睿作

聖惟謙受益四方來賀

一人有懌近自三輔遠治重譯士抃於朝民歌於陌甲子六十造自軒轅萬有千歲如環無端

至人建極乾隆紀元元會遞演隸首莫殫乾生坤成咸速恆久既受多祉克昌厥後宜尼有言曰仁者壽小臣作頌拜手稽首

聖駕巡幸天津頌謹序

臣聞放勳刻玉之年游河紀瑞文命錫圭之日首冀施功時邁其邦哀對者先於畿甸福爲爾德不冒者及於



海隅是訓是行而近天子光一游一豫而爲諸侯度觀  
無非事式昭巡守之經動惟厥時斯致頌聲之作欽惟  
我

皇上仁孚九有惠洽四瀛柔遠能邇而觀厥成府修事  
和而所無逸曩者

巡吳越度江淮闕浙海之倉淪議柴塘之興築察黃運  
之形勢審湖河之瀦宣不辭播櫟之勤永奏乂安之績  
維時赤縣屢望青旂父老陳華祝之詞黎庶慙嵩呼之  
願獨津門之要郡爲

輦路之未經展義之典猶稽望

幸之忱彌摯夫其星分箕斗地錯長蘆前引清滄後連  
通路拱神京而作臂扼運口而爲喉昔建衛而開屯久  
稱重鎮今建郡而比輔式啓營田上腴滋華實之毛沃  
野辨墳墟之色海濱廣斥通鹽筴于青齊水道灌輸寫  
尾間于渤碣飛帆轉粟近接遼陽巨浪乘風遙通江表  
南北漕之脈絡適會其衝東西淀之停瀦獨承其委稽  
禹貢則徒駭高津之派厥由逆河以同歸攷職方則潁  
沱涑易之川咸自直沽而下達四封繁庶集河北之舟  
車萬派朝宗實京東之鎖鑰湖

六巡之盛軌

祖德長留跋

九重之惠臨民情倍切乃者歲籥臨於疆圉月律中乎  
夾鐘占星則節過春分省畊則人歌夏諺八神案衛扶  
玉軼以雲行

萬乘首途建金支而霞起翔赤螭于聖水迓青虬于鄴  
亭紫泉之溜凝甘白溝之河漲綠路通趙北界銀漢于  
中央波暖燕南垂宛于一帶

天子乃御安福之舫出廣惠之橋循玉帶之縈泗沂中  
亭之屈曲淀名掘鯉鏡面晨指河號牝牛穀紋春鏡聽  
濤聲于苑口塘灤湖承矩之遺落帆影于蘇橋沿襲證

看山之集揚芬港上綠福垂楊格淀隄旁青迥芳艸于  
是移星罕

駐天津行殿花明三春綺簇周廬晨啓七萃雲屯塵肆  
鱗分經三條之廣陌眈眈星列環方頃之平疇合部屋  
以臚歡仰

楓宸而飫德天之大也就如日而瞻如雲民胥樂兮饗  
乎鼓而軒乎舞由是霓旌細轉芝蓋晴飛載出郭門言  
臨海上三山玉峙而如覩萬里碧澄而不波五牖之啓  
閉以時節宜有序衆流之會歸斯在翁受無私慶賜遂

行

絲綸墜下減經行之賦額穗秸家增除闔郡之正供倉  
箱戶積鹽引則寬其期會熬波盈猗頓之家民逋則免  
其催科擊壤識伊祁之力錫朱提于衛士增月給于烝  
徒益下之道大光入疆之慶具舉以至建牙大吏數奉  
咨詢守土諸臣咸承轉對優加品秩嘉趨事之勤滌滌  
瑕疵示包蒙之度賜帛賜肉尚齒而禮高年采藻采芹  
增額而升秀士鬪扉艸長吹寒谷而生春嘉石霜溫潤  
枯荑而滋液凡茲蠕動蛭飛之族盡入和風甘雨之中  
民氣大和神庥丕應效懷柔于海若題廟而光燭奎文  
崇報饗于淀神立廟而誠通肸蠁詠來遊于雅什純嘏

爾常紀同律于虞書安民則惠于時

湛恩洽

鑾輅迴鼓車引而萑葉繁旌櫂歌興而杏花拂艦風微  
遠岸帆移丁字之沽柳映長隄波定篋兒之港紅門朝  
啓流新綵于鳳河翠蓋遙臨試合圍于需旅遂旋

清蹕祇覲

璇宮時甫浹乎兩旬惠已周乎萬彙天惟行健承

皇祖之貽謀

帝有恩言慰下民之仰望

天子所至稱幸戴德真溢于邦畿

王者之舉必書紀盛宜鐫于金石臣起家獻賦備職記  
言際右序之昌期仰省方之茂典清風肆好慚無吉甫  
之篇方岳四巡敢擬崔駰之頌其詞曰

若稽古皇觀民設教四載爰乘九水是導我

皇之德地載天憐全付六宇旣宅四隩體元之長育物  
以仁遠至邇安敬天勤民惟三十二載丁亥之春

詔下二輔式舉時巡滄瀛之東衆水所會注之渤海廣  
大無外百川噓噏六氣沉瀛雲夢可吞具區何隘九十  
九澌七十二沽潮白南注漳衛北趨桑乾拒馬涿易薊  
洵北條之水茲焉委輸析木之津上應天漢曰三會口

水土豐衍四民輻輳百貨充羨古立鎮屯今建郡縣我  
皇在御曾蒞虹旃

皇繩厥武令辰是涓法從雷動屬車星駢吳命爰中敦  
樸爲先乃臨清淀一碧千頃自西而東引綱挈領子牙  
之河異流同騁虹隄隔之宜分勿併乃閩海河五牖相  
承時其蓄洩歲以豐登乃觀滄溟洪濤不興澄波珠映  
瑞氣雲蒸水利旣成水患以去昔也沮洳今也沃土鹽  
鹽之饒匪煎匪鬻漉沙積雪三倍云取

大君有命藏富于民

車駕所過賜復惟均異糧優老挾纊勞軍肆膏宥罪與



民夏新岳牧守令加秩承眷博士弟子增額示勸典禮  
壬林神人幽贊

德廣所及三五同貫

帝庸作歌玉振金聲文成訓誥言爲箴銘堯民耕鑿禹  
甸平成河海清晏億萬千齡

奏摺

翰林院謝

賜淳化閣帖摺

欽惟

皇上治煥堯文學探義畫關圖書之祕奧理統其宗究

篆籀之源流藝通乎道芝英薤葉淳古泐斯邈之遺鐵  
畫銀鈎臨摹通鍾王之迹妙兼八體波啄悉中準繩帖  
寶三希摹勒不差苗髮復以法書之刻彙於淳化之初  
冊府流傳茲林珍祕金壺浮濟刊在潭絳鼎汝之先銀  
錠成紋備有章艸真行之體自嘉祐以後兩府之頒賚  
已稀若大觀重摹十卷之全神浸失唯畢士安之賜本  
爲蘇子容之家藏紙墨無雙品題第一久列

石渠之寶笈

申命東觀之詞臣編次裝池鈎摹上石乃因王侍書之  
排類踏駁良多重以劉次莊之釋文沿譌滋甚元章長

睿議論或刻而未公樓鑰姜夔攷證縱勤而鮮當參伍  
既臚衆說折衷爰定

一人證史傳而爵里具詳按時代而後先攸序登禹書  
于簡首功泝辛壬列頡篆于卷端文徵戊己道隆萬世  
魯司寇不繫以官臣無貳心魏太傅必正其實辯永師  
之遺蹟詎宜溷于右軍認李監之題碑何乃目爲秦相  
褒貶寓春秋之旨論世可以知人次第易甲乙之籤訂  
譌斯能存是發凡起例體裁壹稟

皇言沿波討源題識竝歸

聖藻于焉鐫之翠墨不徒誇夾雪之奇搨以溪藤洵已

冠銘心之品龍跳虎臥結體則肥瘦適中豕亥鳥焉攷  
文則偏秀無誤敵文軒而砌石如啓羣玉之山染  
御翰以摛詞真挹帝鴻之海儲藏

三殿鐵網咸得珊瑚

班賞百僚斗室儼懸虹月猶

念天祿校書之地玉署儲材成均選士之林金臺首善  
竝

頽琅琬俾作楷模捧出

彤墀垂露連珠之字裝開錦匣折釵屋漏之痕瞻星漢  
之爲章如游瀛島添壁門之嘉話不數鴻都臣等法昧

撥鎗技唾紫蚓開函盥手頌

至化之還淳珥筆論思欣

湛恩之偏渥用心正則筆正願砥礪夫同官觀

天文與人文庶化成乎多士臣等無任感激榮幸之至

潛研堂文集卷一

門人袁廷禧校字